

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst («Službene novine Zeničko-dobojskog kantona, broj: 7/10), a u skladu sa Programom utroška budžetskih sredstava u 2016. godini, usvojenim Zaključkom Vlade Zeničko-dobojskog kantona, broj: 02-14-10281/16 od 20.05.2016. godine, Vlada Zeničko-dobojskog kantona, na 56. sjednici, održanoj 20.05.2016. godine, d o n o s i

ZAKLJUČAK

I.

Usvaja se Uputstvo o postupcima i kriterijima za odobravanje i dodjelu (refundiranje) sredstva poticaja namijenjenih subvencioniranju administrativnih troškova kod izgradnje proizvodnih objekata, koje čini sastavni dio ovog Zaključka.

II.

Za realizaciju poticaja iz tačke I zadužuje se Ministarstvo za privredu, koje će donijeti sve provedbene akte i imenovati komisiju za provođenje propisanog postupka.

III.

Zaključak stupa na snagu danom donošenja.

Broj: 02-_____/16.
Datum, 20.05.2016. godine
Z e n i c a

PREMIJER

Miralem Galijašević

DOSTAVLJENO:

1x Ministarstvo za privredu
1x Ministarstvo finansija
1x a/a



**UPUTSTVO
O POSTUPCIMA I KRITERIJIMA
ZA ODOBRAVANJE I DODJELU (REFUNDIRANJE) SREDSTAVA POTICAJA
NAMIJENJENIH SUBVENCIONIRANJU **ADMINISTRATIVNIH TROŠKOVA**
KOD IZGRADNJE PROIZVODNIH OBJEKATA**

Na osnovu člana 56. i 66. stav 2. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05), ministar Ministarstva za privredu Zeničko-dobojskog kantona, uz saglasnost Vlade Zeničko-dobojskog kantona, donosi:

**UPUTSTVO
O POSTUPCIMA I KRITERIJIMA
ZA ODOBRAVANJE I DODJELU (REFUNDIRANJE) SREDSTAVA POTICAJA
NAMJENJENIH SUBVENCIONIRANJU ADMINISTRATIVNIH TROŠKOVA
KOD IZGRADNJE PROIZVODNIH OBJEKATA**

1. IZVORI I NAMJENA POTICAJNIH SREDSTAVA

Sredstva za subvencioniranje administrativnih troškova kod izgradnje proizvodnih objekata obezbjeđuju se Budžetom Zeničko-dobojskog kantona i planiraju Programom utroška sredstava u Ministarstvu privrede, za tekuću godinu u kojoj se vrši dodjela poticaja, te odgovarajućom zbirnom odlukom.

Radi obavještanja korisnika o mogućnostima dobivanja sredstava poticaja informacija se objavljuje u sredstvima javnog informiranja u formi Javnog poziva za dodjelu poticajnih sredstava i na oficijelnoj web stranici Vlade Kantona.

U cilju intenziviranja investicija u područje proizvodnih djelatnosti i smanjenja administrativnih troškova, a samim tim stvaranja ambijenta za zapošljavanje i razvoj, Vlada Kantona će subvencionirati dio administrativnih troškova investicije, kao što su: naknade za građevinsko zemljište, naknade za pretvaranje poljoprivrednog u građevinsko zemljište, priključne takse (vodosnabdijevanje, električna energija, grijanje, plin, telefon i dr.), administrativne, te slične administrativne troškove.

2. PROIZVODNI OBJEKAT I KORISNIK SREDSTAVA

Pod proizvodnim objektom, u duhu ovih Kriterija, podrazumijeva se natkrivena građevina sa zidovima (hala) minimalne površine tlocrta od 200 m², sagrađena sa namjenom i u svrhu realizacije proizvodnog programa iz područja djelatnosti C-Prerađivačka industrija (nove Standardna klasifikacija djelatnosti) D-Prerađivačka industrija, (stare Standardne klasifikacije djelatnosti) i za koju je investitor–korisnik poticajnih sredstava obezbijedio upotrebnu dozvolu prema Zakonu o građenju.

Korisnici sredstava su privredni subjekti registrirani u Zeničko-dobojskom kantonu koji proizvodni objekt grade na području Zeničko-dobojskog kantona.

Pod privrednim subjektima u smislu prethodnog stava podrazumijevaju se privredna društva i subjekti iz obrtničkih djelatnosti na [koje je upisano pravo vlasništva nad objektom poticaja](#).

Pravo na korištenje poticaja ima privredni subjekt koji u postupku legalizacije bespravno izgrađenih proizvodnih objekata na osnovu Zakona o prostornom uređenju i

građenju ZDK, obezbijedi Rješenje o upotrebi građevine, **te subjekti koji izvrše promjenu namjene objekta u cilju realizacije proizvodnje.**

Pravo na korištenje poticaja nema privredni subjekt koji izgrađeni objekat iznajmi drugom subjektu radi obavljanja proizvodne djelatnosti.

3. IZNOS POTICAJNIH SREDSTAVA

Vlada Kantona preuzima finansiranje, odnosno refundaciju dijela ukupnih troškova nastalih po osnovi plaćanja različitih administrativnih troškova kod realizacije investicije.

Investitoru će se nakon uredne aplikacije i procedure odlučivanja odobriti sredstva u jednokratnom iznosu koji se dobije prema sljedećoj tabeli:

Minimalna površina objekta u tlocrtu /u m ² /	Iznos sredstava poticaja /u KM/	Umanjenje poticajnih sredstava za legalizirane i objekte promjenjene namjene /%/
201	8.000,00	5
250	10.000,00	5
300	12.000,00	5
400	16.000,00	10
500	20.000,00	10
600	24.000,00	20
800	28.000,00	20
1.000	32.000,00	30
1.250	36.000,00	30
1.500	40.000,00	40
2.000 i više	50.000,00	40

Maksimalni iznos koji se može odobriti i isplatiti korisniku sredstava iz ovog programa poticaja je 50.000 KM. Sredstva su u ovom iznosu limitirana na navedeni maksimalni iznos po više osnova:

- po jednom subjektu - korisniku
- po jednom projektu - upotrebnoj dozvoli
- u okviru jedne godine dana.

Jedan korisnik poticaja može koristiti najviše dvije vrste poticaja Ministarstva za privredu u tekućoj budžetskoj godini, ali pod uslovom da ukupno dobijeni iznos ne prelazi 50.000,00 KM.

Korisnik poticaja može koristiti poticaj samo u jednom ministarstvu Zeničko-dobojskog kantona

4. ZAHTJEV ZA ODOBRAVANJE POTICAJNIH SREDSTAVA

Uredan Zahtjev za odobravanje sredstava investitor dostavlja Ministarstvu za privredu.

Uz zahtjev, investitor dostavlja sljedeće priloge:

- Original ili ovjerenu kopiju Odobrenja za obavljanje proizvodnje djelatnosti, ili odgovarajući akt nadležnog inspekcijskog organa, ili Obavještenje o razvrstavanju pravnog lica ili obrta prema djelatnosti - izdatog od Federalnog zavoda za statistiku;
- Original ili ovjerenu kopiju Odobrenja za građenje proizvodnog objekta, izdatog od nadležnog organa;
- Original ili ovjerenu kopiju Odobrenja za upotrebu proizvodnog objekta, izdatog od nadležnog organa, a nakon 01.01.2013. godine
- Original ili ovjerene kopije Uvjerenja o uredno izmirenim javnim prihodima – ne starija od 60 dana u odnosu na dan podnošenja zahtjeva,
- Original ili ovjerenu kopiju uvjerenja o uredno izmirenim finansijskim obavezama prema Budžetu Zeničko-dobojskog kantona.
- Uvjerenje Komercijalne banke da je žiro račun korisnika aktivan, ne starije od 60 dana u odnosu na dan podnošenja zahtjeva;
- Original ovjerene kopije Uvjerenja o uredno izmirenim indirektnim porezima – ne starija od 60 dana u odnosu na dan podnošenja zahtjeva,

Odobrenjem za upotrebu proizvodnog objekta i drugim dokazima iz prethodnog stava ne smatra se akt bilo kakvog privremenog ili uvjetnog karaktera već isključivo važeći akt trajne naravi čiju validnost je po službenoj dužnosti moguće provjeriti kod nadležnog organa.

Objavljeni Javni poziv za prikupljanje zahtjeva za odobravanje i dodjelu (refundaciju) finansijskih sredstava na području Zeničko-dobojskog kantona preciziraće datum za dostavljanje dokumentacije, tačnije, rok za dostavu dokumentacije biće 60 (šezdeset) dana od dana objave Javnog poziva.

5. KOMISIJSKA OCJENA

Komisiju za ocjenu ispunjenja uslova i kriterija za dodjelu poticajnih sredstava imenuje i razrješava ministar u Ministarstvu za privredu. Za svoj rad ova komisija odgovara ministru Ministarstva za privredu.

Komisija razmatra Zahtjeve investitora, te cijeni ispunjenost uslova i kriterija za odobravanje sredstava.

Izveštaj o ocjeni, Komisija dostavlja ministru Ministarstva za privredu, koji će biti objavljen na web stranici Vlade Kantona.

6. POSTUPAK ODOBRAVANJA

Na osnovu Izveštaja o ocjeni i mišljenja Komisije, Ministarstvo za privredu predlaže Vladi Kantona donošenje Odluke o odobravanju poticajnih sredstava. Zbirnu odluku Vlada donosi shodno raspoloživim sredstvima za tekuću godinu.

Na početku svake godine Vlada Kantona odlučuje o nastavku dodjele ovih poticaja općenito, shodno projekciji budžetskih rashoda za tekuću godinu, o čemu donosi Zaključak o usvajanju Programa utroška sredstava u Ministarstvu za privredu.

7. REFUNDACIJA SREDSTAVA - REALIZACIJA POTICAJA

Na osnovu Odluke o odobravanju sredstava Ministarstvo za privredu podnosi Nalog za isplatu sredstava Ministarstvu finansija.

Broj: 04- /16
Zenica, .05.2016. godine

MINISTAR
Zvonimir Anđelić, dipl.ing.grad.